



Inatsisartunut ilaasortaq,
Hans Enoksen,
Naleraq,
Maani/

Tunisinermi akit pillugit § 37 naapertorlugu apeqqummut nr. 144_2024-mut akissut

Ulloq: 26-06-2024
Suliap normua: 2024 - 12976
All. nr. 24297754

Inatsisartut suleriaasianni § 37, imm. 1 malillugu *tunisinermi akit pillugit Naalakkersuisunut apeqqutinik saqqummiussa qarputit*. Apeqqut suliassa qarfigisannit akineqartussanngorlugu innersuunneqarnikuuvoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apri@nanoq.gl
www.naalakkersuisut.gl

Apeqqutitit akisinnaaniarlugit Royal Greenland A/S-mut saaffiginnissimavunga.

1) Oqaatigineqartarpoq Qaanaami aalisartut qalerallinnik Royal Greenlandimut tunisineranni kiilumut kr. 16,50 atuutsinneqartartoq. Piffinni allani tunisinermi akit qanoq inissisimappat?

a. Suna pissutaava qalerallinniarnermi pisarineqartartut akigitinneqartut piffinniit piffinnut akii appassinnerumik akilersorneqartarnerinut?

1-mut) Royal Greenland A/S imatut ilisimatitsissuteqarpoq: "*Qaanaami suliffissuaq ingerlatseqatigiiffimmi Inughuit Seafood A/S-mi ingerlavoq. Taanna ingerlatseqatigiiffittut Inughuit I/S-mi, ingerlatseqatigiiffik Qaanaami innuttaasunit aalisartunillu pilersinneqarpoq pigineqarlunilu Thulep Aningaasaateqarfianit tapersorsorneqartartoq kiisalu aamma Royal Greenland A/S-mit assigiimmik pigineqartutut ingerlanneqarpoq.*

Pingaarnertut qalerallit, kisianni aamma sapinngisamik periarfissat pitsaanerpaat aalisartunut qulakkeerniarlugit tunitsivituatut mattaat ingerlatseqatigiiffiup tunisarpai. Ukiuni kingullerni tunisinerit 2020-mi 158 tonsinit 2023-mi 75 tonsinut aamma ukioq manna maannakkumuungallartoq 57 tonsinut ikileriarujussuarsimapput. Oqaatigineqartutut suliffissuaq nammineq ingerlatseqatigiiffimmini, Inughuit Seafood, ingerlavoq. Ingerlatseqatigiiffik ingerlaqqarpoq, ukiumi angusarissarfiusumi angusat ilaanit piginnittut agguarneqartarput, ukiuni annertunngitsumik angusaqarfiusumi ingerlatseqatigiiffimmi aningaasat uninngatinneqarput. Ukiuni kingullerni marlussunni amerlassutsit ikiliartornerat pissutigalugu ingerlatseqatigiiffik angusarissaarsimannngilaq.

Ingerlatseqatigiiffimmi angusarissaartoqarnissaa aallaavigalugu tunisinermi akit aalajangersarneqarput, taamaalilluni ingerlatseqatigiiffik atasinnaaqqullugu, taamatullu ukiorissaarfiusuni piginneqataasunut iluanaartinik aamma tunniussisoqarsinnaavoq.

Tunisinermut aki 16,5 kr/kg-mut aalajangersarneqarpoq, tassunga ilaavoq aalisakkanut Qeqertani aaneqartussanut 3 kr/kg-mut tapeq, aamma nalinginnaasumik 1 kr/kg-mut aggornerisq (bonus).

Taamaalilluni tunisinermi akigineqartoq agguaqatigiissillugu 18,15 kr/kg-voq. Tassa akigitinneqartoq pissuteqarpoq Qaanaatut avinngarusimatigisumi suliffissuarmik ingerlatsinermut aningaasartuutit amerlanngitsuinnarnit matussuserneqartussaammata. Qalerallit amerlanerunngippata mattaallu tunisaalluanngippata 2024-mi ingerlatseqatigiiffiup angusaqarluartitsinissaa ilimaginngilarput."

2) Taamatut akilerlutsitsineq Naalackersuisut Royal Greenland-imik piginnittut akuersaarpisiuuk?

a. Naalackersuisunik akueriinnarneqarpa taamatut akilerlutsitsineq?

b. Taamatut akilersuititsinissi allanngortinnissaanik eqqarsaatersuuteqarpisi?

2-mut a+b) Suliaqarfinni inuussutissarsiorfiusuni akinik aalajangiinnermut Naalackersuisut akuliunneq ajorput. Kalaallit Nunaanni malinneqartussamik unammilleqatigiinnermut inatsiseqarpoq. Eqqorpoq Namminersorlutik Oqartussanit Royal Greenland A/S ingerlatseqatigiiffittut pigineqarmat, kisianni tamanna pissutigalugu Naalackersuisut Royal Greenland tunisinermik akinik immikkut ittunik aalajangersaaqqullugu peqqunavianngilaat. Niuerfimmi ineriartorneq aamma pissutaasut naleqquttut allat tunngavigalugit Royal Greenlandip akigititani aalajangersassagai Naalackersuisut naatsorsuutigaat.

Tamatuma saniatigut Qaanaami suliffissuarmut Royal Greenland A/S piginneqataaginnarpoq, tamanna isumaqarpoq, tunisinermi akigititap aalajangersarneranut piginneqataasut allat isumaqatigiissuteqarfingineqartariaqartut aamma Royal Greenlandip kisermaassilluni aalajangersarsinnaanngitsoq.

Inussiarnersumik inuulluaqqusillunga



Kim Kielsen
Aalisarnermut Piniarnermullu Naalackersuisoq